

Edizione diplomatico-interpretativa

A c. di Francesco Feriozzi

Raymbaut daure(n)ca .	Raymbaut d'Aurenca
I	I
E Ra resplan la flors enuersa. pels trencans rancx e pels tertres. q(ua)l flors neus gels e conglapis. q(ue) cotz e destrenh e trenca. don uey morz quils critz brays e siscles. en fuels (et) en rams (et) en giscles. mas mite uert e iauzen ioys. er quan uey secx los dole(n)s croys.	Era resplan la flors enversa pels trencans rancx e pels tertres. Qual flors ? Neus, gels e conglapis, que cotz e destrenh e trenca, don vey morz quils, critz, brays et siscles en fuels e en rams e en giscles ; mas mi te vert e iauzen ioys er quan vey secx los dolens croys.
II	II
Q uar en aissius o enuerse. q(ue)l bel plan mi semblon tertre. e tenc per flor los conglapis. el caut mes uis quel freit trenq(ue). el tro mi semblo chant e siscle. e parum fulhat li giscle. aissi(m) suy ferm lassatz en ioys. que re no uey que sia croys.	Quar enaissi.us o enverse, que.l bel plan mi semblon tertre, e tenc per flor los conglapis, e.l caut m?es vis que.l freit trenque, e.l tro mi semblo chant e siscle, e paru.m fulhat li giscle : aissi.m suy ferm lassatz en joys, que re no vey que sia croys.
III	III
M as una gen fadænuersa. cu(m) seron noirit en tertres. quem fan pro pieigz que conglapis. us quecx ab sa lengua tre(n)nca. en par la bas (et)ab siscles. e noy ual bastos ni giscles. ni menassas ans lur es ioys. quan fan so-don hom los clam croys.	Mas una gen fada, enversa, cum s?eron noirit en tertres, que.m fan pro pieigz que conglapis, us quecx ab sa lengua trenca e.n parla bas e ab siscles, e noy val bastos ni giscles, ni menassas, ans lur es joys quan fan so don hom los clam croys.
IV	IV

<p>Q uar en baizan nous enuerse. no mo tolon pla ni tertre. dona ni gel ni conglapis. mas non poder trop en trenque. dona per cuy chant e siscle. uostre belh huelh mi son giscle. quem castion si lo cor ab ioys. quieu nous aus auer talans</p>	<p>Qu?ar en baizan no.us enverse no m?o tolon pla ni tertre, dona, ni gel ni conglapis , mas non poder trop en trenque : dona per cuy chant e siscle, vostre belh huelh mi son giscle que.m castion si lo cor ab joys, qu?ieu no.us aus aver talans croys !</p>
<p>V</p>	<p>V</p>
<p>A nat ai cum cauzen- [croys. uersa. sercan rancx e uals e tertres. marritz cum selh que conglapis. cocha e mazelh e tre(n)-ca. que no conquis chans ni siscles. plus que folhs clercx conquer giscles. mas ar dieu lau malberga ioys. malgrat dels fals lauzengiers croys.</p>	<p>Anat ai cum cauz?enversa sercan rancx e vals e tertres, marritz cum selh que conglapis cocha e mazelh? e trenca, que no conquis chans ni siscles plus que folhs clercx conquer giscles - mas ar, Dieu lau !, m?alberga joys malgrat dels fals lauzengiers croys.</p>
<p>VI</p>	<p>VI</p>
<p>M on uers an quaissi lenuerse. que nol tenhon bosc ni tertre. lai on hom no(n) sen conglapis. ni a freit poder quey trenque. a midons lo chant el siscle. clar quel cor len introl giscle. selh que sap gen chantar ab ioys. que no tanh a chantadors croys.</p>	<p>Mon vers an, qu?aissi l?enverser que no.l tenhon bosc ni tertre, lai on hom non sen conglapis, ni a freit poder que y trenque. A midons lo chant e.l siscle clar, qu?el cor l?en intro.l giscle, selh que sap gen chantar ab ioys, que no tanh a chantadors croys.</p>
<p>VII</p>	<p>VII</p>
<p>D oussa dona amor e ioys. nos aiuste malgrat dels croys.</p>	<p>Doussa dona, amor e ioys nos aiuste malgrat dels croys !</p>
<p>VIII</p>	<p>VIII</p>
<p>I occlar gran re nai meynhs de ioys. quar nous uey en fas semblans croys.</p>	<p>Iocclar, granren ai meynhs de ioys, qu?ar no.us vey en fas semblans croys !</p>

- letto 485 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatico-interpretativa-279>